

Segun Antony Carlo

Joran van der Slot no tin nada mas di agrega na e investigacion

El a worde interoga suficiente caba!



ORANJESTAD (AAN): Despues di e caso di apelacion contra tumamento di DNA for di e sospechosonan den e caso di Natalee Holloway, prensa a combersa cu abogado di Joran van der Sloot esta Antony Carlo, pa haya sa con e caso a bay.

Segun Carlo, el a apela e decision di huez y awe corte a trata e caso, sinembargo el a entrega un otro apelacion riba e echo cu huez comisario a tuma un decision pa ordena van der Sloot pa e tolera e hecho cu cada bez cu e mester worde interoga, e tin cu worde transporta di KIA pa un otro lugar, pa esaki tuma lugar.

Carlo a splica cu el a oponer contra e decision ey, pa motibo cu segun e, e decision di huez Comisario no ta

corecto.

Segun e abogado, su cliente no tin nada mas di agrega na loke el a declara den curso di tur su interrogacionnan anterior, pues mas interrogacion no ta necesario mas.

DIARIO a puntra abogado Carlo tambe, su opinion riba

declaracion di un testigo nobo den e caso aki, contra di su cliente.

E abogado a splica cu e ta haya e "stukken for di Ministerio Publico, di e testimonian cu ta worde scucha, sinembargo te ainda e no a haya e declaracion di e

testigo aki.

Carlo tambe a enfatiza cu su cliente ta keda para ariba cu e ta inocente.

DIARIO a pidi abogado Carlo tambe di con den nomber di su cliente, el a entama un kortgeding, pa FBI no worde permiti di haya tur e documentonan relaciona cu e caso di Natalee Holloway.

E abogado a splica cu e no kier divulga su argumentacionnan pa cu e caso aki, prome cu e caso

worde presenta na huez Comisario, sinembargo el a splica cu e no ta di acuerdo cu e decision di Gobierno, pa motibo cu e no ta corecto y cu e ta contra ley.


DIARIO a mostra e abogado cu quizas si FBI yuda y su cliente ta inocente, nan por yuda aclarea su cliente tambe.

El a bisa cu despues di e kortgeding e lo ta dispuesto pa contesta cualquier pregunta.

HANGUA PLUS!!



Las Americas
(Near Burger King)
Playa (Caya Grandi)
Tel: 582-1576



Maletin duro pa scol
Afl. 45,=